

جَزَائِرِ حَاكِمِ

جمعه ایرتسی

نومرو	جمادی الآخر	سنه	کانون ثانی	سنه	صفحه
۵۸۲	۲۲	۱۳۰۸	۱۱	۱۳۰۶	۸۴۳۱


(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حساییله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی بنه مجیدیه یکر می غروش اولق اوزره یوز یاره یه هر یرده صاتیلور . درج اولنه جوق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیائلر عدلیه نظارتی)
 (داتره سنده کاشن جریده محاکم اداره سنه مراجعت ایلملیدر)

قسم رسمی

کیدرک مظهرتاً موقوف بولسان دیمتری نام
 کیمسه بی امر شفاهی ایله تخلیه ایتدیرمش اولدینی
 قوصوه ولایتی مدعی عمومیلکندن واقع اولان
 اشعار ایله ارسال اولنان اوراق تحقیقه دن
 اکلا شلمسیله مومی الیهک تحت محاکمه الیه النمی
 ضمانتده عدلیه نظارت جلیله سندن مذکور
 مدعی عمومیلکه مآذونیت اعطا اولنمشدر .


قوچانه قضاسی بدایت محکمه سی اعضای
 سابقه سندن حمدی افندینک محکمه مذکوره
 ریاستی وکالتنده بولندینی اثناده ملا حسین ایله
 رفقاسنک اسعد افندی طرفندن تحت حجزه
 الدیرلش اولان اغنام ومواشیسنی بلا حکم
 صاعش و بر یورطی کیجه سی بالذات حبسخانه یه

حکامی سنجانی داخلنده کائن الباق قضای
بدایت محکمه سی اعضا سندن درویش افندیك
مواد عدیده دن طولای معلوم الاسامی اشخاصدن
رشوت اخذینه مجامعتی اولنان اخبار وعدلیه
نظارت جلیله سندن واقع اولان امر و اشمار
اوزرینه جریان ایدن تحقیقاتی شامل وان مدعی
عمومیلکندن ارسال اولنان اوراقدن مستبان
اولمسیله مومی الیهک تحت محاکمه انمسی ایچون
نظارت مشارالیهان مذکور مدعی عمومیلکه
ماذونیت اعطا قلمشدر.



قونی و لایتیده بور قضای بدایت محکمه سی
مستتطق اعضا سندن رفعت اغانك ولایت
مشارالیه مدعی عمومیلکنك اشعارندن نمایان
اولان مساوی احوالندن ناشی عزلی حقنده
عدلیه نظارت جلیله سندن مذکور مدعی عمومیلکه
اولجه امر ویرلش اولدینی کی مومی الیهك
محکمه مذکوره رئیس ایل براب مواد معینه ده

خلاف نظام معاملاته مجامعت ایلدکری وقضاء
مزبور ضابطه سی قول و کیلی مصطفی اوباشینك
دخی بلامذکره موقوف تخلیه و موقوفه مخصوص
دفتری تشویش ایتدیکی ذکر اولنان مدعی
عمومیلکك اشعار اخیرندن اکلاشمسیله بو
اسبابدن طولای اوچك برلکه تحت محاکمه
النملری ایچون نظارت مشارالیهان بوکره محکمه
تبلیغات لازمه اجرا اولنمشدر.



(فی ۳ جمادی الآخر سنه ۳۰۸ وفی ۱)
(کانون ثانی سنه ۳۰۶ تاریخنده بالجله ولایات)
(استیناف مدعی عمومیلرینه و مدعی عمومی)
(بولنمیان محللر مدعی عمومی معاوانلرینه)
(یازیلان تحریرات عمومیه صورتیدر)

بولتیقه و سوء قصد و فعل شنیعدن ماعدا
جرائم ایله محکوم اولوب ثلثان مدت جزایله لرینی
اکال ایتش وضابطه جه تخلیه لرنده مجذور بولنمیش

قسم غیر رسمی

اولان محبوسینك بعض ایام مسموده و مبارکه
حرمتنه اجرای تخلیه لری حقنده شرف سانح
اولان اراده مرحمتاده حضرت ظل الهی تعیمماً
هر طرفه تبلیغ اولدینی صروده مظهر عفو عالی
اولان محبوسینك اسامیسنی حاوی دفاترک سرعت
تنظیم وارسالی دخی اشعار اولنمقده اولدینی
حالده دفاتر مذکوره صورت منتظمه ده و وقت
وزماننده کوندرلما مکده و بو صورت معاملات
مرکزیه بی اشکال ایتدکه اولدیغندن قیوده
بالمرأجه شمعی به قدر کوندرلمدیکی تین ایدیه جک
دفاترک نهایت برماه ظرفنده ارسالی و بودفاتر ده
محکومینك توقیف و تخلیه لری تاریخی ایله قبی
محکمه قرار یله محکوم و هانکی حبس خانه ده محبوس
اولدقلمینك اشارت اولنمسی و هر عفو عالیده
مستفید اولنلرک بشقه بشقه دفاترینك تنظیم
ایدلسی و ولایتك بشقه و ملحقاتك بشقه اوله رق
دفاتری کوندرلیوب ملحقاته عائد دفاتر ولایتك
دفتر یله برلشدر یله رک کوندرلسی لزومی هر طرفه
تبلیغ اولنمش اولغله مأموریت بهیله نجه برمنوال
محرم اقتضاسنك هان ایفامی سیاقنده شقه مخصوصه
ترقیم اولندی .



(اوچیوز الی سنه سی حزیرائنك اون التنجی)
(کونی توقیف خانه ده موقوف بولنان برشخصه)
(زقاق جهتندن پاره ویرمکه اولدینی کوریلهرک)
(دردسته تشبث اولنمسی اوزرینه فرار و تعقیب)
(ایدن ژاندارمه سواری ملازمی عبده اغایه)
(ریوولور اندخت ایتدیکی ادعاسیله مظنون علیه)
(بولنان اوتوز یاشنده بروسل اولوب بالقجیلق)
(ایدن ارمنی ملتندن طاتیوسك اجرا قلسان)
(محاکمه علنیه سی ضبط نامه سی صورتندن مابعد)

و باغچه ده مرقومی عمله تکرار طوتمش ایکن
انلرده قاتشهر ایدرک قبودن چیه جنی انشاده
ژاندارمه ملازمی عبده اغا طوتمش ایستمسلیله
آل بوده سنك اولسون دیو اوزرینه برال
ریوولور اهرق فرار ایلدیکنی میندر دائرة
امانتدن کتوردیلان کیر قا ایله برفشنی اتامش
و بشی نملو اولان ریوولور متهم ایله شاهدلر
و مدعی شخصی به لدی الارائه متهم مرقوم بونلر

کندوسنک اولدینگی وشاهدلر دخی بو سلاحلر
مرقومك اولدینگی قطیاً تعیین ایدمه جکرینی
ومدعی عبدالله اغا دخی اشبو قاور یوولورک
طاتیوس طرفدن بالتشهر باغچه اندینگی سلاحلر
ایدوکنی سویلدیلر واقع اولان شهادته قارشو نه
دیه جکی متهم مرقومدن صورلدقه آدم آدمه
بکزه دیککی جهتله بشقه بریسی کندوسنه بکزمش
اولدقلمی بالیان انکارنده اصرار ایلدی تحقیقاتک
بوندن عبارت ایدوکی بیان اولدقده معاون
مومی الیه متهم طاتیوسک ژاندارمه ملازمی عبدالله
اغیه قتل قصدیه طابعه انداخت ایتدیکی شهادت
واقعیه الیه تحقیق ایتدیکندن مجرمیتیه ومدافعه
وکیلی کیغورق افندی دخی متهم طاتیوس علیهنده
ادعای مجرمیدن بشقه براماره اولیوب یالکر شاهدلردن
اسماعیل اغا مرقومی تشخیص ایتدیکی سویلدیکی
حاله دیگر شاهدلر تشخیص ایدمه میوب خبر
واحد ایلده حکم جائز اوله میه جکی مثللو بلاسبب
برادمه ریوولور اتمسده مناسب کوریه مدیککی
بالیان موکلنک برائت ذمتیه قرار ویرلمسنی طلب
وادعا ایتلریله ولدی السؤال طرفینک بشقه
دیه جکری اولدینگی اکلاشملقه محاکمه نك ختام
بولدینگی بیان اولنه رق مذاکره اوطنه سنه
کلندی .

طرفینک ادعاومدفاعاتنک استماعندن واوراق
تحقیقه نك مطالعه وتدقیقندنصکره ایجاب کیفیت
مذاکره اولدقده متهم مرقوم هر قدر انکار
تهمت ایتکده ووکیل مومی الیه دخی بروجه
محرر مدافعه ایلکده ايسه ده توقیفخانه پنجره سندن
موقوفیه پاره ویرمکده ایکن کورلمسی اوزرینه
فرار ایدن مرقوم طاتیوس لدی التعقیب شاکر
باشا حضرتلرینک قوناغنه کیره رک دردست ایدنلره
قاتشهر واوراق ملازم عبدالله اغیه دخی ریوولور
انداخت ایلدیکی شاهد اسماعیل وحسن اغا
طرفلردن مع القسم اخبار اولتمسده وقدرغه ده
برخانه نك بغچه سنه اختفا ایتسده وحین دردستنده
مذکور باغچه به متصل اولان دیگر برخانه باغچه سنه
حامل اولدینگی قاور یوولوری اتمسده ومذکور
ریوولورک دروننده بولنان بش فشکندن بریسنک
اتلمش اولسنه ووکیلک مدافعه کنجه شاهد طاشچی
نیقولی تشهر سلاح ایدن ادمک بشقه بریسی
اولدینگی بیان ایتیب یالکر ایشیه مشغول
اولدینگی جهتله متهم مرقومی پک ایوجه تشخیص
ایدمه مدیککی سویلدیکی جهتله بوده اخبارات
مذکوریه مؤید بولمسده ودر دست ایدلماسی
ایچون عبدالله اغی قتل تصدی ایلدیکنده بوفعله
بلاسبب ایقاع ایدلمش دنیه میه جکته مبنی مرقومک

انکاری واهی ومدافعات مذکوره دخی مردود
اولوب مرقومک ژاندارمه ملازمی عبدالله اغیه
قتل قصدیه ریوولور انداخت ایتدیکی تحقیق
ایلدیکندن مجرمیتیه اکثریت ثلثان ارا ایله قرار
ویریلرک اولابده تنظیم وامضا اولنان قرارنامه
علناً قرائت اولدقده معاون مومی الیه مصطفی
افندی مجرمیتی قرارکیر اولان طاتیوسک قانون
جزانک یوز سکسانجی ماده سی علاوه سنه توفیقاً
تعیین ووکیل مومی الیه دخی تخفیف جزاسنی
طلب ایتلریله مذاکره اوطنه سنه کلندی .

جهت جزائیسی دخی مذاکره اولدقده
مرقومک حرکتی معاون مومی الیهک طلب
وادعای وجهله قانون جزانک یوز سکسانجی
ماده سی علاوه سنه موافق اولدینغه وعلاوه
مذکورده دخی مجرد قتل قصدیه سلاح چکوبده
ید اختیارنده اولیان اسباب مانعه حیلولتیه ماده
قتل فعلیه چیقارش ایدوکی تحقیق ایدنلر موقتاً
کورکه قونیلور دیو محرر بولندینغه مبنی مرقومک
علاوه مذکور حکمنه توفیقاً وابتدای توقیفی
اولان اوچ یوز یدی سنه سی ذی القعدة سنک اون
برنجی کونندن اعتباراً اون طقوزنجی ماده
قانونیه منطوقتجه بمدالتشهر اوچ سنه مدته

(اوچ یوز التی سنه ایلونک اوچنجی بازار ایرتسی)
(کونی شیه قضاسنه تابع کوی دره قریه سنده)
(مسکون ابازه مهاجریندن خواجه احمدک تفنک)
(قورشونیه قتل واتلافندن طولای مظنون)
(علیهما اولان قریه مذکورده ساکن ابازه)
(طاش احمد ایل اوغلی ادریسک اجرا قلنان)
(محاکمه علیه سی ضبطنامه سی صورتیدر)

ادعای مفسوحیت حقنده معین اولان مدت
قانونیه منقضیه اولمغله اجرای محاکمه لری سنه
مذکوره جاذی الاولیسنک اون برنجی کوننه
قرار لشدر لدی .

یوم مذکوره مرقومان احمد وادریس
قانون دائره سنده توقیفخانه دن جلب ایله وکیللری
امین بک یانلرنده اولدینی و مقتول احمدک زوجیه سی
ابازه قیله سندن جباخان خاتون ایله مدعی عمومی
معاونی مصطفی افندی حاضر بولندقلری حالده
علناً اجرای محاکمه به بالابتدار مرقومان احمد
وادریس استجواب اولندقدنه بولردن احمد الی
طقوز یاشنده ابازه قیله سندن اولوب شیله به
تابع کوی دره قریه سنده رنجبرک ایتدیکی
وادریس دخی احمد باباسی اولوب اونش اون
الی یاشنده ایدوکی ورنجبرک ایله کی سولملریله
مرقومانه وکیللری مومی الیه قانون مزبورک
ایکیوز التمش دردنجی وایکیوز التمش بشنجی
ماده لری مدلولاتی اخطار اولندقدن صکره
اتهام مضبطه سیله اتهام نامه ضبط کاتبی جمال افندی
قرائت ایتدیرلدی .

مذکور مضبطه نک مالی خیاجه احمدک

اوچیوز الی سنه سی ایلونک اوچنجی بازار
ایرتسی کونی شیله قضاسنه تابع کوی دره قریه -
سنده مسکون ابازه مهاجریندن خیاجه احمدک
تفک قورشونیه قتل و اتلافدن طولایی مظنون
علیهما اولان قریه مذکوره ده ساکن ابازه طاش
احمد ایله اوغلی ادریسک جنایتله اتهاملرینه دائر
هیئت اتهامیه دن تنظیم واعطا قلنان ه ربیع الآخر
سنه ۳۰۸ تاریخلی ودرتیوز بش نومرولی مضبطه
ایله استیناف مدعی عمومی کی مأموریت بهیه سنک
۱۳ ربیع الآخر سنه ۳۰۸ تاریخلی والی یوز
التمش بش نومرولی اتهام نامه سی اوراق متفرعه
سیله ۲۰ ربیع الآخر سنه ۳۰۸ تاریخده محکمه
جنایت تودیع اولمغله بالمطالع اصول محاکمات
جزائیه قانونک ایکیوز قرق سکرنجی وایکیوز
قرق طقوزنجی ماده لرینه توفیقاً مرقومان شهر
مذکورک بکرمی برنجی کونی توقیفخانه دن جلب
ایله استجواب و مدافع لرنده معاونت ایتک اوزره
وکیللری اولوب اولدینی سؤال اولندقدنه دعوی
وکیللرندن امین بکی انتخاب ایلدکلرینی سولملریله
قانون مزبورک ادعای مفسوحیت حقنده اولان
ایکیوز الی برنجی ماده سی مندرجاتی اخطار قلندینی
میین تنظیم اولسان ضبط ورقه سی تحت امضای
الندی .

یدی سکر سنده تبرو مصر صابی اصدیقی اغاچه
یوسنه دخی اصدیق تشبثده بولمسی و مظنون
علیهما طاش احمد ایله اوغلی ادریسک مدخله
ایتملری اوزرینه یانلرنده ظهور ایدن منازعه ده
مرقوماندن طاش احمد اوغلی ادریسه بیجایی
کتوردیه رک خانه سنه کوندوسیله مرقوم ادریس
اونده کی تفکی الوب حولی ارسندن انداخت
ایتمسینه مرقوم احمدک کوکسندن مجروح اوله رق
یش دقیقه صکره وفات ایتش اولدینی شاهدلرک
شهاداتی و معاينه راپورتی مندرجاتی ایله ثابت
اولدیندن و بولردن ادریسک حرکتی قانون
جزانک یوز یتشنجی و باباسی طاش احمدک معاونت
دوجه سنده اولان فعلی دخی یوز یتش بشنجی
ماده لری احکامی مستلزم بولندیندن جنایتله
اتهاملرینه قرار ویرلیدیکی و اتهام نامه نک مزایای
دخی مرقومانک مذکور مضبطه ده مندرج اولدینی
وجهله متهم بولندقلرینی محتویدر .

اتهام نامه نک خلاصه سی جانب ریاستدن
متهمان مرقومانه تعهیم و معاون مومی الیه طرفندن
دخی اسباب اتهاملری بیان و تفصیل اولندقدن
صکره مرقومان سولتدیرلده بولردن طاش
احمد تدیس تبرو خانه سی اوکنده اولوب مصر

صابی اصدقه بولندینی اغاچه وقعه کونی دخی
چیقوب اوغلی ادریس اشاعیدن مصر صابی
ویردک اصدقه ایکن متوفی خیاجه احمد النده
تفک وبالطه اوله رق بالورود بواغچه بعدما بن
صاب اصدقه دیمی و کوندوسیلده سکر اون سنه
تبرو صاب اصدیقندن کمنیه مدخله ایتدیر
میجکی سولمسی اوزرینه مرقوم خیاجه احمد
بالطه ایله اغاچی کسمکه قیام ایتکله کوندوسیلده
مذکور اغاچی کسمک ایچون اوغلی ادریسه
خطاباً اشاعیدن بالطه یی ویردیکی صره ده برتفک
باطلایه رق مرقوم احمدک ادریس اوردی ظنیه
اشانچی ایوب باقدیندن احمدک مجروحاً یانلینی
کوردیکی و اوغلی ادریسدن سینی سؤال ایلدیکنده
اغاچی کسمکه مخالفته بولندینی صره ده مرقوم
احمد تفکی دیبجیکله کوندوسنه اورمقه ایکن
تفک آتش الهرق مرقومک مجروح اولدینی
سولمسیله بر اقوب خانه لرینه کتدکلرینی وادریس
دخی کیت باباسی طاش احمدک اقاده سی کی
وقوعبولوب خیاجه احمد اغاچی کسمک ایتدیکی
و کندی سیده نه یایورسین دیدیکی ائنده مرقوم احمد
تفکی کوندوسنه انداخت ایدوب آتش الماسی
اوزرینه دیبجیکله اورمق اوزره ایکن آتش
الهرق مرقوم خیاجه احمد کوندو کوندوسنی جرح

واتلاف ایلدیککی و کندوسی خانه سندن تفک
کتوروب مرقومی اورمیدی و بوبابده اصلا
مدخلی بولمیدیغنی بالیسان هرایکسیده مضبوط
افاده لری وجهله انکار جرم ایلدیلر اساس
ژورنالیله معاینه راپورتی قرائت ایتدیرلده
بولردن ژورنال مالی و قوعاتی حکایه دن و راپورت
مفادی دخی تخمیناً قرق یاشنده بولنان ابازه احمد
معاینه اولدوقده صاغ طرفی کوکسندن تفک
ایله جریحه دار اولدینی و محل مذکور دن دخول
ایدن قورشون نفس بوریلرینه بالتصادف فجأة
وفاقی مؤدی اولدینی و جرحك عموداً و قوعبولسه
وجسامت و سائر علائمه نظراً اتیلان تفک
مسافه کافیه دن و بنا برین بر قاتل طرفندن تلدیغنی
مثبت بولدینی و دخول ایدن قورشونك خارجه
چیقمق ایچون بردلیکی کشف اولنه مدینی
و قورشونك تحریری و آلات داخلیه نك نه درجه
خسار دیده اولدیغنی کلاشلمسی ایچون مقتولك
تشریحنه مساعدده اولمیدیغنی بیانندن عبارتدر
مقتولك زوجیه سی جباخان خاتون دخی سویلتد
یرلدکه وقعه کونی زوجی احمد اغاچه مصر صابی
اصمقده بولنان طاش احمدك یانه کیدوب مذکور
اغاچه کندوسی صاب اصه جغنی سویلدیکی صروده
طاش احمدك اوغلی ادریس خانه لرینه کیده رک

المش اولدینی تفکی حولیدن انداخت ایله زوجی
مرقومی اتلاف ایتدیککی و کندوسی فریاد ایدر
ایکن طاش احمد اغاجدن اینوب شمدی سینه
تلف ایدرم دیه رک طبانجه سنی تشهیر ایتش ایسه
ده کندوسی قورقوسندن خانه سته فرار ایتدیککی
و زوجی مرقومك دوت نفر صغیر اولادی
بولد یغندن مرقومان طاش احمد ایله ادریس
حقارنده شرعاً و نظاماً لازم کلان معامله نك
اجراسنی طلب و افاده ایله مقتولك دملی نیتینی
ادائه ایلدی مذکور قانی نیتته باقدقه قورشونك
کوکسندن دخول ایتدیککی مشاهدده اولندی
مدعی عمومی طرفندن ویریلان شهود پوصله
سندده اسامیسی محرر اولوب دعوت واقعه اوزرینه
کلش اولان عرب بلال و تاتار محمد و عرب سلیم
و امام سلیمان افندی اصول محاکمات جزائییه
قانوننك ایکوز التمش سکرنجی ماده سته توفیقاً
منفرداً و مواجهه استماع اولدقلرنده بولردن
عرب بلال وقعه دن بش اون کون اول خباچه
احمد طاش احمدده سویله مذکور اغاچه بوسنه بن
صاب اصه جغم کندوسی اصمسون دیو خبر
کوندرمی اوزرینه کندوسیده اولوجهله طاش
احمدده سویلد یکنده مرقوم ارتق خباچه احمد
چوق کلیور بواغ ایچون اون بش سته یاتورم

دیدیکندن وقعه کونی دخی کرک کندوسی و کرک
مرقوم طاش احمد اغاجلره چیقوب صاب
اصدقلرندن اولوقت کندوسی امان خباچه احمد
اویانوب کورمسون دیو تفکر ایتکده ایکن مرقوم
خباچه احمد خانه سندن چیقوب طاش احمدك
یانه کله رک بواغچه بن صاب اصه جغمی خبر
کوندرمش ایدم سن نیچون اصه یورسین بر اقدده
بر قاچ قوکشو چاغره لم قغیمزه مناسب ایسه او
صاب آسمسون دیمی و طاش احمد دخی بن
قوکشولری و سنی طانیم ارتق سنك ایتدیکک
یتر دیه رک اوغلی ادریسه خطاباً کیت بالطه یی
کتور دیمی اوزرینه مرقوم ادریس خانه لرینه
کیدوب تفکنی الهرق حولیدن خباچه احمدده
انداخت ایتسیله مرقوم خباچه احمد بر دقیقه
ایاق اوستنده طوروب یره دوشدکن صکره هان
کندوسی اغاجدن اینوب مرقومك یانه کتدیکنده
مخروج اولدینی کورمش و مرقومده بنی قالدیر
دیش ایسه ده قالدیره مدیغندن قوجاغنه الدینی
و تاتار محمدك دخی کلوب صو و یرمک ایستدیککی
صروده وفات ایتدیککی کبی طاش احمد دخی اغاجدن
اینوب بلنده بر طبانجه بولندیغنی حالده خانه سته
طوغری کتدیککی و قوعبولان تکلیفی اوزرینه
تاتار محمد شیه حکومتته خبر و یرمک ایچون کیدر

ایکن طاش احمد بلنده طبانجه سی اولدینی حالده
اوکنه چیقوب خباچه احمد میدانده یاتور سنده
جانندن اوصاندك ایسه کیت خبر و یر دیمسیله
مرقوم محمد عودت ایلدیککی و او ائنادده خباچه
احمدك زوجیه سی اوتانزمیسك زوجی اولدیردك
دیو فریاد ایدرکن مرقوم طاش احمد صوص
سینه اولدیر یرم دیه رک طبانجه سنی کوسترمسی
اوزرینه مزبوره قورقوب خانه سته قاچدیغنی
ولدی السؤل مذکور اغاج خباچه احمدك
حولیتی حداسنده بولدیغندن مرقومه مناسب
اولدینی و چونکه فریه لری اوکنده بویه برطاقم
اغاجلر اولوب هرکیمك خانه سی حداسنده بولنور
ایسه اوکیسه طرفندن منصرف اولنه کلدیککی
و تاتار محمد دخی اولکون کندوسیده بلالک الت
طرفنده کی اغاج اوزرنده صاب اصارکن خباچه
احمد طاش احمدك یانه کتدیککی و طاش احمدده
اغاج اوزرنده سویلنه رک اللرینی اویناتدینی
صروده بر سلاح پاطلامغله درحال یانلرینه
کتدیکنده بلال کندوسندن اول کله رک خباچه
احمدی مخروج اولدینی حالده قوجاغنه الدینی
کور، کله صو و یرمک تلاشنده ایکن مرقومك
وفات ایتدیککی و مؤخرأ طاش احمد اغاجدن
اینوب خانه سته کیتش ایسه ده اوغلی ادریسی

اوراده کورمديکي کي خواجه احمدي دخی کيمک
اتلاف ايلديکي کورمديکي و بلالک تکليفي
اوزرينه شيله به کيمک ايستمش ايسده طاش
احمد خواجه نک اقر بالري و اردر انلر کتسون
سن کيدر ايسک کندک بيلورسک ديمسي اوزرينه
فارغ اولديغی و عرب سليم دخی بلالک افاده سنی
تصديق ايدرك وقعه کونی کندوسيده تاتار محمدک
الت طرفنده کي اغاج اوزرنده صاپ امارکن طاش
احمدک اوغلی ادريسک تفنک ايله خواجه احمدي
اتلاف ايتديکي کورديکي و امام سليمان افندي
دخی خواجه احمدک کيفيت قتلي کورمدمش
ايسده مؤخر امر قومي کندوسي غسل ايتديکندن
کو کسندره بر قورشون ياره سيله بوينده درت
صاچه ياره سي کورديکي بيان ايله جمله سي
مضبوط افاده لری دائره سنده ايفاي شهادت ايلديلر
خسته ليکي جهتيله کله مامش اولان خواجه احمدک
ينکهي ذليحا خانونک مضبوط افاده سي قرائت
ايتديرلکده مالی عرب بلال و سليمک افاده لری
مؤيد ولد يغنی يعني ادريسک تفنک ايله خواجه
احمدی اتلاف ايتديکي کورديکي شاملدر اشبو
اخباراته قارشو نه ديه جکلری مرقومان طاش احمد
وادريسدن صورلدقه شاهدلردن عرب بلال
خواجه احمدک چو جقلرينک سود باباسی و تاتار

امری اولديغندن مرقوم طاش احمد به معاوان
دينله ميه جکني واکر بويله بر امر اولمش اولسه
اولوقت طاش احمدک امر مجير و يا غير مجير اولسي
تقديره محتاج ايدوکني و علی الخصوص مرقوم
طاش احمدک اغاج اوستنده ايکن بلنده طبانجه سي
بولنديغندن واکرچه مرقومک خواجه احمدي
اتلاف ايتک مقصدي اولسيدي هيچ بر مانع
اوليه رق اتلاف ايده بيله جکي بدیهی اولديغندن
شو تقدیرده اون بش سني کوزه الدير دم ديو
بلال ايله خواجه احمد اقدحجه خبر کوندرمسي
اخافه مقصدينه مبتی اولديغنی و چونکه طاش
احمدک تفنکی آل کل خواجه احمدي اور ديو اوغلی
ادر يسه بر کونا امری وياسائر صورته معاوتی
اولديغندن يالکتر اون بش سني کوزه الدير دینی
حقنده خبر کوندرمش اولديغنه دائر بلالک قول
مجرديله مرقوم طاش احمدک قتله ذميدخل
اولديغنه حکم ايتک عدالته منافی اولمغله مرقوم
طاش احمدک برائت ذمته وادريسه کلنجه خواجه
احمدک ياننده تفنکی وبالطه سي اولديغنی و مرقوم
ادر يسي ضرب ايتديکي جهته مرقوم ادريس
خواجه احمدک باباسيله کندوسي اتلاف ايدر
ملاحظه سيله خانه سندن الدیغنی تفنک ايله خواجه
احمدی اتلاف ايتدی مقابله ديمک اولديغندن ومع

هذا باباسی طاش احمدک اون بش سني کوزه
الدير دم ديو خواجه احمد خبر کوندرمسي کي
شاهد بلالک قول مجرديله مرقوم ادريسک اعدای
جهته کيدلک موافق معدلت اوله ميه جغندن
مرقومکده بالمقابله قاتل اولديغنه قرار ویرلسنی
طلب ودرميان ايتلريله ولدی السؤل طرفینک
بشقه ديه جکلری اولديغنی اکلا شلمغله محاکمه نک
ختم بولديغنی بيان اولنه رق مذاکره او طه سنه
کلندی .

طرفینک ادعا و مدافعانک استماعندن واوراق
موجوده نک مطالعه و تدقيقندن صکره ايجاب
کيفيت مذاکره اولندقه متهملردن ادريس
هر نقدر تاويل حقيقت ايتکده و وکیل
مومی ايله دخی مرقومک بالمقابله قاتل ايدوکي
بيان ايلمکده ايسه لرده اغاج اوزرينه
مصر صاپی اصمق ماده سندن طولايي خواجه احمد
ايله متهملردن طاش احمد بينلرنده وقوعبولان
منازعه اوزرينه مرقوم طاش احمد اوغلی ادريسه
کيت بالظه کتور ديمسيله مرقوم ادريسک بالتهور
خانه سندن المش اولديغنی تفنکی حولی دروننده
انداخت ايدرك خواجه احمدي قتل و اتلاف
ايلديکي عرب بلال و تاتار محمد و عرب سايمک

حضور محکمه ده و ذلیخا خاتونك دخی مستنطق حضورنده مع القسم و علی الدرجات اخبار ایتملینه و معاینه راپورتنده دخی خواجه احمدك جرحدن متأثراً وفات ایتمدیکی کوسترلسنه و سبق ایدن ادعا و مدافعاته کنجه شاهدلردن بلالک خواجه احمدك چوجقارینك سود باباسی اولسی و ذلیخا خاتونك دخی خواجه احمدك ینکسی بولنمسی مانع شهادت اوله میه جنی مثللو تاتار محمد حقنده بیان اولنان خصومت متحقق اولسه بیه شهادتلی علیهنده متهملر طرقلردن برکونه اسباب مقبول درمیان ایدیه میان عرب بلال و سلیمك شهادتی دخی کافی و اشبو اخبارات یکدیگری مؤید ایدوکندن و طاش احمدك اقدجه اون بش سنه بی کوزه الیردم دیو بلال ایله خواجه احمد خبر کوندرمسيله ادریسك فعل قتل بالتصور ایقاع ایتیش اولق اوزره محکومیتی طرفه کیدلک موافق قانون اوله میه جنی کبی ادریسك خانه سنه کیدوب تفککی اله رق خواجه احمدی حولی درونندن اتلاف ایتمدیکی جهته بوکا بالمقابله قاتل دخی دینه میه جکندن ادعا و مدافعات مسروده نك بونقطه لره منحصر اولان جهاتنك ردیه بونلردن ادریسك قاتل غیر متعمد اولق اوزره مجرمیتیه و طاش احمدك بلنده طبانجه اولدینی

حاله استعمال ایتماسی و اوغلنه بالطه بی کتوردیمسی قتل حقنده برکون معاونته و یا آمر مجبر و غیر مجبر اولدیغنه دلیل عدایده مامسی جهته مرقوم طاش احمدك دخی برأت ذمتیه سبب آخره مبنی موقوف دکل ایسه تخلیه سیلنه متفقاً قرار و یریلوب اولباده تنظیم و امضا اولنان قرار نامه علناً قرائت اولندقه معاون مومی ایله مرقوم ادریسك حرککی قانون جزانك یوز یتیش دردنجی ماده سنك فقره اولیسنه موافق اولدیغدن اولوجهله تعیین و وکیل مومی ایله دخی تخفیف مجازاتی طلب ایتملرله مذاکره و طه سنه عودت اولندی.

جهت جزائیه سی دخی مذاکره اولندقه مرقوم ادریسك حرککی قانون جزانك یوز یتیش دردنجی ماده سنك فقره اولیسنه موافق اولدیغنه و فقره مذکوره ده دخی برکیمسه بر شخصی من غیر تعمد اتلاف ایتیش ایسه اون بش سنه مدته کورکه قونیلور دیو محرر بولندیغنه مبنی بوققره حکمنه توفیقاً و ابتدای توقیفی اولان اوچیوز سکر سنه سی صفرینك اوچنجی کونندن اعتباراً مرقوم ادریسك اون التی یاشنده بولنمسی حبسیله بلاتشهر اون بش سنه مدته کورکه قونلمسنه و ضبط و استنطاق و اعلام خر جبری ایله

خدمه اجرت قدیمیه سی اولان جمعا یوز و توز بش غروشك مرقومدن بالتحصیل عدلیه و زنه سنه تسلیم ایتمدیلمسنه اوچیوز سکر سنه سی مجازی اولیسنك اون برنجی و اوچیوزالتی سنه سی کانون اولنك اون برنجی کونی کذلک متفقاً قرار و یرلکله علناً تقهیمی اجرا و اصول محاکمه جه معین اولان معاملات سائره ایضا قانندی.

فی ۳۱ کانون اول سنه ۳۰۶

اعلان

اوچیوز التی سنه سی حزیراننك اوننجی بازار ایرتسی کونی اخشامی ساعت اون ایکی راده لرنده ولی افندی مسیره سندن عودت ایتمکده اولان بقال یاقومنی زیتون برونی فابریقه سی

جوارنده ترلارک یاشنده طوته رق ال و ایاقلرینی باغلا یوب اچمه سیله ریوولور و ساعتی اخذ و غصب ایتمدیگری ادعا اولنمسندن طولای متهم بولنان رنجبر رجب و طلبه دن سعید ایله هیئت اتهامیه دن غیاباً جانیله اتهام اولنان والیوم فرارده بولنان اوزون بویلی چیچک بوزوغی قمرال بیقلی مطروش اوتوز بش یاشلرنده الا کوزلی قره قاشلی قیرجه صاجلی ضعیف وجودلی بعضاً مائی چوقه دن چاکت و بعضاً بانطلون و چاکت اکتسایدن و بلنه قمرنی قوشاق باغلار وصول الی اورته سنده بحاق یاره سی بولنان چولاق حسن شمیدی به دکن اله کچور یله مامش اولمغه اصول محاکمات جزائیه قانوننك اوچیوز یتیش برنجی ماده سی احکامنه توفیقاً قانونه اطاعتله محکمه یه کلک اوزره جانب ریاستدن واشبو تاریخدن بالاعتبار مجدداً اون کون مهل و یرلش اولمغه مدت مذکوره ظرفنده محکمه یه کلدیکی تقدیرده قانونه اطاعت ایتمامش نظریله باقیله رق محاکمه غیاییه سی بالا اجرا حقوق مدنی دن اسقاط و اموالی حجز اولنه جنی و بومدت ظرفنده برکونا دعوی اقامه سنه حق اوله میه جنی و بولندیخی محلی بیلنر خبر و یرمکه و بالجمله ضابطه عدلیه مأمورلرینك علی الاصول

کندوسنی طومغه مجبور اولدقلری بیانیله اعلان
کیفیت اولنور .

فی ۲۳ کانون ثانی ۳۰۶

اسبق صندوق امینی احمد بکه

دوات علیه تبعه سندن سلور یده مقیم خزینه
وکیلی واسیلا کی طرفندن علیه کزده اقامه اولنان
دعوانک اجرای محاکمه سیچون شهر شباطک
یکرمی سکرنجی بتجشبه کونی ساعت یدی
راده لرنده اجراسی مقرر بولندیغندن یوم ووقت
مز بورده محکمه مرقومه به بالذات کلکز ویاخود
مصدق سندله بروکیل کوندرمکز لزومی ایکنجی
دفعه اوله رق اخطار اولنور .

فی ۸ کانون ثانی سنه ۳۰۶

مرقومک اقامتگاهی مجهولدر .

فی ۱۵ کانون ثانی ۳۰۶

مباشر

احمد

قورقاللی قریه سنده مقیم دونچویه

دوات علیه تبعه سندن سلور یده مقیم خزینه
وکیلی واسیلا کی طرفندن علیه کزده اقامه اولنان
دعوانک اجرای محاکمه سیچون شهر شباطک
اون طقوزنجی جمعه ایرتسی کونی ساعت یدی
راده لرنده اجراسی مقرر بولندیغندن یوم ووقت
مز بورده محکمه مرقومه به بالذات کلکز ویاخود
مصدق سندله بروکیل کوندرمکز لزومی ایکنجی
دفعه اوله رق اخطار اولنور .

فی ۸ کانون ثانی سنه ۳۰۶

لدی التجری اشبو دعوتیه ده اسمی محرر
دونچونک قورقاللی قریه سنده اقامتگاهی اولمدینی
کبی وزده مسکون اولدینی حقنده بر تحقیقانه
دسترس اولنه مدیغندن اشبو احضارنامه حاکبای
ریاسته تقدیم قلنور .

فی ۱۵ کانون ثانی سنه ۳۰۶

مباشر

احمد

داوتچه قریه لی ملنقویه

دوات علیه تبعه سندن سلوری قصبه سنده
مقیم خزینه وکیلی واسیلا کی افندی طرفندن
علیه کزده اقامه اولنان دعوانک شهر شباطک
اون بشنجی صالی کونی ساعت یدی راده لرنده
سلوری محکمه سنجه محاکمه سی اجرا قلنه جغندن
یوم ووقت مز بورده بالذات کلکز ویاخود مصدق
سندله بروکیل کوندرمکز اخطار اولنور .

فی ۸ کانون ثانی سنه ۳۰۶

لدی التجری اشبو دعوتیه ده اسمی محرر
ملنقونک داوتچه قریه سنده بولنه مدینی وزده
مسکون بولندیغی حقنده بر تحقیقانه دسترس
اولنه مدیغندن اشبو احضارنامه حاکبای ریاسته
تقدیم قلنور .

فی ۱۵ کانون ثانی سنه ۳۰۶

مباشر

احمد

داوتچه قریه سنده مقیم دیمترکی به

دوات علیه تبعه سندن سلوری قصبه سنده
مقیم خزینه وکیلی واسیلا کی طرفندن علیه کزده
اقامه اولنان دعوانک شهر شباطک اون بشنجی
صالی کونی ساعت یدی راده لرنده سلوری
محکمه سنجه محاکمه سی اجرا قلنه جغندن یوم ووقت

مز بورده بالذات کلکز ویاخود مصدق سندله بر
وکیل کوندرمکز لزومی اخطار اولنور .

فی ۸ کانون ثانی سنه ۳۰۶

لدی التجری اشبو دعوتیه ده اسمی محرر
دیمترکینک داوتچه ده بولنه مدینی وزده مسکون
بولندیغی حقنده بر تحقیقانه دسترس اولنه مدیغندن
اشبو احضارنامه حاکبای ریاسته تقدیم قلنور .

فی ۱۵ کانون ثانی سنه ۳۰۶

مباشر

احمد

قورقاللی قریه سنده مقیم مارقو اوغلی یوانه
دوات علیه تبعه سندن سلور یده مقیم خزینه
وکیلی واسیلا کی طرفندن علیه کزده اقامه اولنان
دعوانک اجرای محاکمه سیچون شهر شباطک
اون طقوزنجی جمعه ایرتسی کونی ساعت یدی
راده لرنده اجراسی مقرر بولندیغندن یوم ووقت
مز بورده محکمه مرقومه به بالذات کلکز ویاخود
مصدق سندله بروکیل کوندرمکز لزومی ایکنجی
دفعه اوله رق اخطار اولنور .

فی ۸ کانون ثانی سنه ۳۰۶

لدی التجری اشبو دعوتیه ده اسمی محرر
یوانک قورقاللی قریه سنده اقامتگاهی بولنه میوب
حقنده بر تحقیقانه دسترس اولنه مدیغندن اشبو

اولنمیه جفی در سعادت اعلیٰ نظامیه اجرا
دائرة سندن اعلان اولنور .

فی ۳۰ کانون ثانی سنه ۳۰۶

نصیب جزوه جیان افندینک در سعادت بدایت
محکمه سی برنجی حقوق دائرة سندن و یریلان
فی ۲۳ ایلول سنه ۳۰۵ تاریخی اعلام موجب
الاجفی اولان مبالغ معلومه نك تأمین استیفاسی
ایچون تحت حجزه النهرق بالمزایده فروختی
قرارلشد یریلان و حروفات ایله غزنه طبع ایدر
الات وادواتنده نقصانی اولیان برقطعه ماکنه
اوچپوز الی سنه سی شباطنک در دنجی بازار ابرتسی
و بشنجی صالی کونلری چارشوی کیرده استانبول
اغاسی خاتنه مزایده سی بالاجرا نهایت التنجی
چهارشنبه کونی قرار قطعی سنک کشیده سیله
طالبنه فروخت ایدیه جکندن طالب اولانلرک
ایام مذکورده محل مزبوره مراجعت ایتملی
در سعادت اعلیٰ نظامیه اجرا دائرة سندن
اعلان اولنور .

فی ۳۱ کانون ثانی سنه ۳۰۶

مطبعة عامره ده طبع اولمشدر

احضار نامه حاکمای ریاسته تقدیم قلنور .

فی ۱۵ کانون ثانی سنه ۳۰۶

مباشر
احمد

فاطمه خاتمک در سعادت بدایت محکمه سی
برنجی حقوق دائرة سندن فی ۲۴ تموز سنه ۳۰۵
تاریخی صادر اولان اعلام موجب
اولان مبالغ تأمین استیفاسیچون تحت حجزه
النن رستم پاشا محله سنده قوطیجیلر جاده سنده
واقع تخمیناً اوتوز آرشون عرصه اوزرینه مبنی
کارگیر اولق اوزره بر قاتدن عبارت وشهری
اوج محلیه ایجار کتورر اون طقوز نومرولی
بر باب دکانک بش حصه اعتباریه ایکی حصه سی
بوندن اقدام مزایده قونیه رق لیرای عثمانی یوز
غروش حسابیه بیک التیوز الی غروشد طالبی
عهده سنده تقرر ایتمش اولدیغندن بوندن زیاده
یعنی یوزده بش ضمیمه طالب اولانلرک تاریخ
اعلان اعتباراً اوتوز برکونه قدر پی سورملری
لازمکله جکی ومدت مذکورک انقضاسندنصکره
قرار قطعی کشیده قلنه جقندن ضم قبول